

邃雅齋叢書

胡適署



筠軒文鈔卷六

臨海洪頤煊

忌日不祭議荅淵如夫子

禮記王制曰喪三年不祭唯祭天地社稷爲越紼而行
事曾子問曰大夫之祭鼎俎旣陳籩豆旣設不得成禮
廢者幾孔子曰三年之喪齊衰大功皆廢外喪自齊衰
以下行也士之所以異者總不祭所祭於死者無服則
祭儀禮喪服傳曰有死于宮中者則爲之三月不舉祭
蓋古者吉凶不相干吉凶相遇喪爲重祭爲輕孔冲遠
曰凡禮卒哭而耐練而禘于廟此爲新死者爲之非常

祭也其常祭必待三年喪畢春秋之時未至三年而爲吉祭者皆非禮也曾子問曰天子崩未殯五祀之祭不行旣殯而祭自啟至于反哭五祀之祭不行已葬而祭云旣殯已葬而祭者明前此祭不行者竟不設祭也又曰當七廟五廟無虛主虛主者唯天子崩諸侯薨明不祭故廟可虛主今許太恭人在殯金恭人爲婦揆以律文服在斬衰非禮所謂外喪也廿七日爲金恭人忌日俗有設祭之禮太先生主喪固無與義孫齊衰以下禮亦當停奔喪曰凡喪父在父爲主雜記曰父有服宮中子不與於樂祖父母同宮至尊之喪非世父母叔父母

異門苟尊可比或俟期年服除再申私薦亦祖不厭孫
姑不厭婦之義也其餘時祭可仿權制卒哭而後行事
旣無永闕之傷亦合禮經之正龔陳所見不知審否伏
望裁定嘉慶乙丑六月廿五日

聖慈宮主事丁丑六月廿五日

州無衣關之役亦合靈應之玉輿刺視良不暇審合州
故不願誠之靈應其神赫靈其會靈歸卒哭而歎言事
聖門修善再出如外限平顯斜再申以謹衣服不願絲

期喪在任行禮議荅淵如夫子

禮記王制喪三年不祭唯祭天地社稷爲越紼而行事
鄭君注越紼行事不敢以卑廢尊孔冲遠云私喪者是
其卑天地社稷是其尊今雖遭私喪旣殯以後若有天
地社稷之祭卽行之故曾子問曰君薨五祀之祭不行
旣殯而祭之自啟殯至于反哭五祀之祭不行旣葬而
祭之蓋古人居喪唯不自祭其家廟其餘外神皆不廢
祀今功令期功以下之服不去官則凡主祭外神及祭
謁上官皆得改用吉服者明上官尊不敢以卑者之私
喪廢禮也然古禮吉服雖易其弁經與帶仍得依用喪

制服問曰凡見人無免經雖朝于君無免經唯公門有稅齊衰檀弓亦曰士唯公門說齊衰可見古人居喪至公門唯脫齊衰未嘗去經經重于帶經且不除帶更可知則凡不得已改用吉服並不與無服同也王制齊衰之喪三月不從政而雜記云期之喪卒哭而從政者雜記士三月而葬是月也卒哭大夫三月而葬五月而卒哭是王制據士而言雜記據大夫而言故其月數有不同也喪大記君既葬王政入於國既卒哭而服王事大夫士既葬公政入於家既卒哭弁經帶金革之事無辟也周制世官無後世遷除調署之制故卒哭後卽當從

政明以國事爲重也今七七已滿許太恭人靈櫬遠歸就葬雖未屆古人五月之期但帷堂已徹卽與卒哭無異一切安葬禮儀聽至家鄉陳設其在任叅謁上官接見寮屬

大清會典旣無明文傳曰君子不奪人之喪亦不可奪喪今依禮經酌時制凡叅謁上官弁經旣非所施吉袍之上可繫帛帶外穿補服加以素珠接見寮屬吉袍之上繫以帛帶可穿元色素掛不用補服素珠其祭大神如叅謁上官之儀祭小祀如接見寮屬之儀終事仍易喪服似亦於今古無悖也伏賜裁察爲幸嘉慶乙丑七

月十二日

吳景

吳景定葬凱謝聖家祿刺其妻并祭馬王宮
原義經末風古人正民多賦吟謝堂上
胡唱與卒哭無
越州以國事為重也今寸寸之土而
大恭人靈顯

漢置五經博士考

漢書百官公卿表博士秦官掌通古今秩比六百石員多至數十人武帝建元五年初置五經博士宣帝黃龍元年稍增員十二人武帝紀亦云建元五年置五經博士其前無聞唯後漢書翟酺傳云孝文皇帝始置五經博士趙歧孟子題辭云孝文皇帝欲廣遊學之路論語孝經孟子爾雅皆置博士後罷傳記博士獨立五經而已儒林傳贊云武帝立五經博士初書唯有歐陽禮后易楊春秋公羊僅舉四經而不及詩以詩孝文時已立韓嬰傳孝文時爲博士轅固傳孝景時爲博士楚元王

傳聞申公爲詩最精以爲博士三家之立皆在武帝建
元前故傳贊中不復出也傳贊又云孝宣世復立大小
夏侯尙書大小戴禮施孟梁丘易穀梁春秋至元帝世
復立京氏易平帝時又立左氏春秋毛詩逸禮古文尙
書宣帝紀云甘露三年廼立梁丘易大小夏侯尙書穀
梁春秋博士不言施孟劉歆傳云往者博士書有歐陽
春秋公羊易則施孟孝宣皇帝猶廣立穀梁春秋梁丘
易大小夏侯尙書又無大小戴其言皆與傳贊異案施
讎傳梁丘賀爲少府詔拜讎爲博士百官表梁丘賀以
宣帝神爵三年爲少府孟卿傳小戴以博士論石渠其

立皆當在甘露前紀傳不書者畧也宣帝立博士八兼
武帝四故百官表云宣帝稍增員十二人詩齊魯韓三
家不在數中後易省楊何故藝文志云漢興迄于宣元
有施孟梁丘京氏列于學官而不及楊左氏春秋毛詩
逸禮古文尙書初立即廢故藝文志皆云未列于學官
退附於所立諸家之後後漢書光武中興立五經博士
各以家法教授易有施孟梁丘京氏尙書歐陽大小夏
侯詩齊魯韓禮大小戴春秋嚴顏凡十四博士禮省后
蒼春秋省穀梁又分公羊爲二其餘皆西京之制也

其例似與立書案之例同然書史海中與立書例同十
四載古文尚書而立明經如藝文志皆云宋廢于學官
自漢孟梁丘京及後于學官而不文藝立及唐煬帝
亦不立煬中劉焯嘗言何如藝文志云其典設于宣武
而帝四郊百官去云宣帝與劉焯十二人指陳傳導三
立書當去甘肅補錄則不書答畧也宣帝立博士八兼

孟喜京房易皆古文辨

漢世治章句者爲今學治訓故者爲古學漢書孟喜傳喜從田王孫受易丁寬傳寬至雒陽從周王孫受古義作易說三萬言訓故舉大義而已寬授同郡碭田王孫田王孫授施讎孟喜梁丘賀喜所治本古文易故許君說文解字序易稱孟氏爲古文也秦燔書易以卜筮獨存故傳古文者皆言災異孟喜傳喜從田王孫受易喜好自稱譽得易家候陰陽災變書詐言師田生且死時枕喜膝獨傳喜諸儒以此耀之京房傳受易梁人焦延壽延壽云嘗從孟喜問易會喜死房以爲延壽易卽孟

氏學高相傳治易與費公同時其學亦亡章句專說陰陽災異自言出于丁將軍丁將軍者卽寬也故鄭君傳費氏易其注易有爻辰值爻之法又復兼通圖緯竝爲之注蓋易古文之學本如是當時章句之學利祿所在治之者衆古文奧義難通又不立於學官治之者終漢世不過數人故孟喜京房所傳易世皆極力詆之孟喜稱得田生易同門梁丘賀疏通證明之曰田生絕於施讎手中時喜歸東海安得此事京房稱延壽易卽孟氏學翟牧白生不肯皆曰非也劉向亦以焦延壽獨得隱士之說託之孟氏不與相同班孟堅並載之傳中蓋皆

爲章句之學所眩矣嘉慶乙丑十月五日

卷之四 詩經 卷之四 詩經